

ԱՊՐԻԼԻ 24-Ը՝ ՄԵԾ ԵՂԵՌՆԻ ՕՐ

ԹԲԻԼԻՍԻ. ՀՈՒՇ-ԵՐԵԿՈ՝ ՆՎԻՐՎԱԾ ՄԵԾ ԵՂԵՌՆԻ 109-ՐԴ ՏԱՐԵԼԻՅԻՆ

(Սկիզբը՝ 1-ին էջում)

Միջոցառմանը ներկա էին նաև «Վրաստան» թերթի խմբագիր Վան Բայբուր-թյանը, Թբիլիսիի Պ.Ադամ-յանի անվան պետհայրա-մայի թատրոնի տնօրեն Լու-իզա Խաչատուրյանը, Վրաս-տանի կրթության նախա-րարության աշխատակցու-հի Կարինե Մանուկյանը, Թբիլիսիի թիվ 104 համրա-յին դպրոցի տնօրեն Իրի-նա Ժամկոչյանը, Վրաստա-նի կառավարության խորհր-դարանական քարտուղարի աշխատակազմի աշխատա-կից Կարեն Եղիազարյանը, ուրիշներ:

Հիշատակի միջոցառմա-նը ելույթով հանդես եկան Վրաստանում Հայաստանի

դեսպան Աշոտ Սմբատյա-նը, վրաց պատմաբան, պրո-ֆեսոր Նիկոլոզ Ալեքսիձեն: (Ելույթների տեքստերը՝ ստորել):

Միջոցառմանը իրենց բարձր կատարողական ար-վեստով հանդես եկան Գեր-մանիայից հատուկ իրավի-րված երգչուհի Կարինե Բա-բաջանյանը (սոպրանո), թբի-լիսցի դաշնակահար Գիոր-գի Շիոլաշվիլին, Երեւանի Պ. Չայկովսկու անվան երաժշ-տական դպրոցի լարային քառյակը:

Միջոցառման ավարտին, Վիրահայոց թեմի առաջնորդ Տեր Կիրակոս Եպիսկոպոս Դավթյանն իր երախտագի-տությունը հայտնեց միջո-ցառման մասնակից այլազ-գի հյուրերին:

ՄԵԾ ԵՂԵՌՆԻ 109-ՐԴ ՏԱՐԵԼԻՅԻ ՈԳԵԿՈՉՄԱՆ ԱՐԱՐՈՂՈՒԹՅՈՒՆ ՎԻՐԱՅԱՅՈՑ ԹԵՄՈՒՄ

Ապրիլի 24-ին աշխարհասփյուռ հայությունը հիշա-տակեց Հայոց ցեղասպանության 109-րդ տարելիցը: Ան-մեղ զոհերի ոգեկոչման արարողություններ անցկացրեց նաև Համազգային այդ շարժման անկապտելի մասը կազմող վիրահայությունը:

Վրաստանում, մասնավորապես՝ Թբիլիսիում, Հայոց ցեղասպանության 109-րդ տարելիցին նվիրված ավան-դական բողոքի գործողությունը եւ ոգեկոչման արարո-ղությունը մեկնարկեց ապրիլի 23-ին, Հավլաբարի Սուրբ Էջմիածին եկեղեցու բակում գտնվող Հայոց ցեղասպա-նության զոհերի հիշատակին նվիրված Խաչքարի մոտ՝ խոնարհունով եւ ջախերի երթով:

Ապրիլի 24-ին Հայոց ցեղասպանության մեկուկես միլիոն սրբադասված նահատակների հիշատակի օրը, Վիրահայոց թեմում տեղի ունեցան միջոցառումներ:

Հայ Առաքելական Սուրբ եկեղեցու Վիրահայոց թե-մի Սուրբ Գեորգ առաջնորդադանիստ եկեղեցում, թեմա-կալ առաջնորդ Տեր Կիրակոս Եպիսկոպոս Դավթյանի նախագահությամբ, կատարվեց բարեխոսական կարգ, ոգեկոչվեց Հայոց ցեղասպանության սուրբ նահատակ-ների հիշատակը: Բարեխոսական կարգին ներկա էին Վրաստանի խորհրդարանի անդամներ, Վրաստանում



Հայաստանի արտակարգ եւ լիազոր դեսպան Աշոտ Սմ-բատյանը, Վրաստանում հավատարմագրված դիվա-նագիտական կորպուսի, Թբիլիսիի հայ համայնքի ներ-կայացուցիչներ, տարբեր հասարակական կազմակեր-պությունների անդամներ, մտավորականներ:

Թբիլիսահայերը Հայոց Մեծ Եղեռնի 109-րդ տարե-լիցի կապակցությամբ Թուրքիայի դեսպանատան մոտ անցկացրին պահանջատիրական ցույց:

Մեծ Եղեռնի 109-րդ տարելիցին նվիրված միջոցա-ռումներ անցկացվեցին նաև Վրաստանի հայաբնակ բոլոր բնակավայրերում:

ԱՇՈՏ ՍՄԲԱՏՅԱՆ. «ՉՄԵՂԱՐԵԼՈՎ ՀԱՆԴԵՐՉ՝ ԱՎՆԿԱԼՈՒՄ ԵՆՔ ՊԱՏՄԱԿԱՆ ՄԵՂԻ ՃԱՆԱՉՈՒՄ»



Այո՛, տիկ-նայք եւ պա-րոնայք, ձեր ներկայությամբ եւս մեկ անգամ հաստատուն էք, որ ոչինչ չի մոռացվել, որ պատմությու-նը շարունա-կում է պատմ-վել, որ ճշմար-տ ու թ ու լ ու ը տարբերվում է ստից, որպես-զի պատմու-թյան ճշմարիտ դասերը փո-խանցվեն սե-րունդներին:

Այսօր, հիշ-ելով մեր զո-հերին, մենք ոչ մեկին չենք մե-ղադրում: Գո-

ւթյուն չունեն հանցագործ ժողովուրդ-ներ, մեղքի եւ հանցագործության հաս-կացությունն ինքնին երբեք հավաքա-կան չի լինում, այլ միշտ՝ խիստ ան-հատական:

Սակայն, չմեղադրելով հանդերձ, զոհերի ժառանգներն իրավունք ունեն ակնկալել պատմական փաստերի, հե-տեւաբար նաեւ՝ պատմական մեղքի ճանաչում:

Այսօր ապրողներին՝ մեր բոլորիս պարտքն է հավատարիմ մնալ այն հիմ-նարար սկզբունքներին, որոնք հար-գում եւ պաշտպանում են յուրաքանչ-յուր անհատի կյանքի իրավունքը եւ մարդու մնացած բոլոր իրավունքները:

Այդ իսկ պատճառով, եւս անհաս-կանալի եմ համարում, եթե չասեն տա-րօրինակ, որ մինչ օրս մեր միջավայ-րում մենք դեռ հանդիպում ենք մարդ-կանց, կազմակերպությունների, որոնք ոչ միայն չեն ցանկանում սա ընդու-նել, այլ առավել եւս, փորձում են խու-սափել թեմայից:

Թերեւս սա է պատճառը, որ ամիս-ներ առաջ՝ 2023թ. սեպտեմբերին, մենք ակամատեսը եղանք, թե ինչպես 120 հազար մարդ ընդամենը 4 օրերի ըն-թացքում բռնի տեղահանվեցին իրենց բնօրրանից, իրենց հայրենիքից, Լեռ-նային Ղարաբաղից: Այո՛, սա հանցա-

(Շարունակությունը՝ 6-րդ էջում)

ՆԻԿՈԼՈՋ ԱԼԵՔՍԻԶԵ. «ԺԱՎՈՔ, ՎՐԱՅԻՆԵՐԻՅՔ ԲՉԵՐԸ ԳԻՏԵՆ, ԹԵ ԱՅՍ ՕՐԸ ԻՆՉ ՕՐ Է, ԵՎ ԻՆՉ ՆՇԱՆԱԿՈՒԹՅՈՒՆ ՈՒՆԻ ԱՅՆ ՀԱՅ ԺՈՂՈՎՐԴԻ ՀԱՄԱՐ»

Երբ պարոն դե-սպանն ինձ առա-ջարկեց ելույթ ու-նենալ այսօրվա հիշատակի երեկո-յին, ես անվարան համաձայնեցի: Հա-մաձայնեցի ոչ թե նրա համար, որ որեւէ մարդ, ավելի յուրահատուկ, առա-վել պոետիկ ասե-լիք ունեի Հայոց ցեղասպանության մասին եւ կամ այն-պիսի մի բան էի ասելու, որը դեռեւս չէր ասվել ավելի քան մեկ դարի ըն-թացքում: Պատ-ճառները երկուսն էին. զոհերի հիշա-տակը հարգելու պարտավորությու-նից զատ, ես առա-ջին հերթին համաձայնեցի այն պատճառով, որ իմ կենսագրական եւ մասնագիտական պարտքն եմ համարում վրացիներին ներկա-յացնել հայ ժողովրդի հին ու նորագույն պատ-մությունը: Երկրորդ, որովհետեւ կարծում եմ, վրացիների ու հայերի համար միանգամայն տարբերվող դարաշրջան է սկսվում, երբ եր-կար ժամանակ անց, մեր մեծ ու նվիրական նպատակները միավորվում են: Ուրեմն, ե՛րբ, եթե ոչ այսօր, պետք է խոսենք հիշողության, եւ այս հիշողության վրա հիմնված ներկայի ու ապագայի մասին:

Կյանքիս մեծ մասն անցկացրել եմ հայ-կական մշակույթով շրջապատված: Երբ փոքր էի, մեր գրադարանի դարակներն առատ էին հայ գրականությամբ, բառարաններով ու պատմություններով: Իսկ հայկական հեթի-աթների հայրիկիս վրացերեն թարգմանու-թյունները մանկությանս թանկ հիշողություն-ներից են (**խմբ. Նիկոլոզ Ալեքսիձեն պրոֆեսոր, համալսարանի հայագիտության ամբիոնի վարիչ Ջազա Ալեքսիձեի (1935-2023) որդին է**): Ահա այսպես, տարիներ շարունակ դա-րակներին կողք կողքի շարված, վրացական ու հայկական միջնադարյան գրականու-թյունն անընդհատ աչքի տակ պահելով, գր-քերի հատորները տեղաշարժելով եւ ուսում-նասիրելով ձեւավորվում էին իմ հետաքրք-րությունները: Հետո ինքս պետք է սովորեի գրաբար եւ իմ ակադեմիական գործունե-ության ընթացքում աշխատեի բազմաթիվ հայերեն տեքստերի վրա:



Որքան շատ էի ծանոթանում հայկական մշակույթին, այնքան ակնհայտ ու ցայտուն էր դառնում երկու բան՝ այն, թե որքանով մի-ահյուսված է վրացիների ու հայերի պատ-մությունը ու, միաժամանակ, որքան քիչ է Վրաստանում գիտելիքն ու զնահատումն այս եղբայրական ու հզոր մշակույթի մասին: Սա իր պատճառներն ունի. երկու ազգերի մեջ արմատացած են մեղ ազգայնականությունն ու ազգայնամոլությունը, որը, բացի Ռուսա-կան կայսրությունից, է՛լ ավելի ուժեղ էր մշակ-վել խորհրդային Միությունում: Խորհրդա-յին Միությունն արգելում էր մեկ ազգի ներ-կայացուցիչն գրել մեկ այլ ազգի պատմու-թյունը, ինչի արդյունքում, առողջ պատմագ-րության փոխարեն, երբեմն ստանում էինք վեճեր ու պատմություն, որոնք, մարդասի-րական արժեքների փոխարեն, ենթադրում էին պայքար՝ հանուն ազգային շահի: Արդ-յունքում, միմյանց պատմությանն անտեղյա-կ լինելու հետ մեկտեղ, կորցրեցինք միմյանց հանդեպ հանդուրժողականությունը եւ միմ-յանց ցավին ու ողբերգությանը կարեկից դառնալու կարողությունը: Ասվածի օրինա-կը նաեւ այսօրվա օրն է: Ցավոք, վրացինե-րից քչերը գիտեն, թե այսօր ի՞նչ օր է, ի՞նչ ենք նշում եւ ի՞նչ նշանակություն ունի այս օրը հայ ժողովրդի համար:

Մինչդեռ դժվար է գտնել երկու մեծ այլ ազգերի, որոնց ճակատագիրն այսքան սերտ միահյուսվել է դարեդար, ընդ որում՝ այսքան

(Շարունակությունը՝ 6-րդ էջում)

ԱՊՐԻԼԻ 24Ը՝ ՄԵԾ ԵՂԵՆՍԻ ՕՐ

ԱՇՈՏ ՍՄԲԱՏՅԱՆ. «ՉՄԵՂԱԳՐԵԼՈՎ ՀԱՆԳԵՐՉ՝ ՍԿԵԿԱԼՈՒՄ ԵՆՔ ԴԱՏՄԱԿԱՆ ՄԵՂՔԻ ՃԱՆԱՉՈՒՄ»

(Սկիզբը՝ 5-րդ էջում)

գործություն էր ոչ միայն այդ մարդկանց, այլ նաեւ մեր բոլորիս կողմից դավաճած արժեքների հանդեպ: Իսկ քանի դեռ մենք այդ արժեքները ստորադասեց շահերին, ակամատեսը կլինենք նման հանցագործությունների:

Պատմական այս ողբերգությունը հայերին սովորեցրել է նաեւ ավելի ուշադիր լինել այլ ժողովուրդների ճակատագրի նկատմամբ նմանատիպ ողբերգությունների կրկնությունը բացառելու նպատակով: Եվ հենց Հայաստանի Հանրապետության հաջող նախաձեռնությամբ, 2015 թվականի սեպտեմբերին ՄԱԿ-ի Գլխավոր ասամբլեան դեկտեմբերի 9-ը հռչակել է որպես «Ցեղասպանության զոհերի հիշատակի միջազգային օր»:

Տիկնայք եւ պարոնայք: Ոչ ոք չի կարող խլել մեր հիշողությունները, հիշողությունը չի կարող սահմանվել մեկ որոշմամբ կամ հրամանով: Եվ տարակուսելի է, թե ինչի՞ հիման վրա են որոշ անհատներ կամ կառավարություններ իրենց իրավունք վերապահել որեւէ երկրի կամ կազմակերպության պահանջներ ներկայացնել, թե ինչը կարելի է հիշել, իսկ ինչը՝ ոչ:

Չեմ կարծում, որ որեւէ մեկը պետք է վախենա ճշմարտությունից: Առանց ճշմարտության, իրական հաշտեցում չկա: Միայն միասին կարող ենք հաղթահարել այն, ինչ մեզ բաժանել է բաժանում է: Միայն միասին մենք կարող ենք լուսավոր ապագա ունենալ այս աշխարհում, որը հավասարապես տրված է մեզ բոլորիս, եւ որի համար բոլորս հավասարապես պատասխանատու ենք:

Հարգելի՛ ներկաներ: Ես հրաժարվում եմ հավատալ, որ պատմությունն է որոշում մեր ճակատագիրը. մենք ենք մեր ճակատագրի տերը, եւ մենք կարող ենք ու պետք է ուղղորդենք մարդկության զարգացման ուղին:

Հավասարապես նաեւ հրաժարվում եմ հավատալ, որ կա որեւէ ուժ, որը կարող է ջնջել մարդկանց ազատության եւ խաղաղության դարավոր երազանքներն ու ձգտումները:

Քանի որ, բարոյականությունն ու խիղճն անգնահատելի եւ անուրանալի արժեքներ են: Սրա համար պետք է պայքարել ամեն օր, այլապես մենք չենք ստեղծի միջազգային մարդասիրական իրավունք ու դավանի համամարդկային բարոյական արժեքներ, այլապես չենք հիմնի մարդասիրական կազմակերպություններ եւ, ի վերջո, այլապես այսօր այստեղ չենք հավաքվի:

Հայ ժողովրդի պատմությունը հաշվվում է հազարամյակներով: Այս պատմության ընթացքում մենք ունեցել ենք հաղթանակներ ու պարտություններ, ձեռքբերումներ եւ կորուստներ, բայց մեր պատմության մեջ կա մի շրջադարձային կետ՝ դա 1915 թվականի ապրիլի 24-ն է:

Այսօրվանից մենք գործ ունենք բոլորովին այլ իրականու-

թյան հետ: Միլիոնավոր մարդիկ, ովքեր ապրել են իրենց հայրենի հողում եւ ստեղծել հսկայական մշակութային ժառանգություն, ստիպված են եղել ընդմիջել լքել իրենց հայրենիքը: Նրանց մի զգալի մասը սպանվել է, մյուս մասը փախել՝ մահից խուսափելու համար, եւ ապաստան գտել աշխարհի ամենատարբեր անկյուններում, այդ թվում՝ հենց այստեղ՝ բարեկամ Վրաստանում, ինչի համար իր երախտիքը հետագայում հայտնել է՝ ապրելով եւ արարելով իրեն ապաստան տված եւ արդեն իր նոր տունը դարձած այս երկրում:

Եթե այսօր նայեք Երեւանից ընդամենը 15-20 կիլոմետր դեպի հարավ-արեւմուտք՝ դեպի Թուրքիա, կտեսնեք Եվրոպայի վերջին փակ սահմանը: Հայաստանն անկախություն է ձեռք բերել 1991 թվականին, անցել է 33 տարի, բայց այս սահմանը դեռ փակ է:

Այս օրինակը բերելով՝ ես պարզապես ցավով ու ավստասանքով ուզում եմ ասել, որ 1915 թվականի ապրիլի 24-ի սովերնայսօր էլ ամեն օր առկա է մեր իրականության մեջ:

Սա վերաբերում է նաեւ իմ որպես պետության դեսպանի աշխատանքին: Հետեւաբար, կարծում եմ, որ մենք բոլորս պարտավոր ենք միջոցներ ձեռնարկել այս սարսափելի ողբերգությունների հետեւանքները մեղմելու եւ, իհարկե, պարտավոր ենք նաեւ միջոցներ ձեռնարկել նման հանցագործությունները կանխելու համար:

Եվ դրա ամենաարդյունավետ միջոցը պատմության ճանաչումն է:

Քանի որ, եթե մեզ վերջապես չհաջողվի պատմությունից դասեր քաղել, ապա լավ կլինի ապագայի պատմությունը գրել մատիտով, քանի որ դա ավելի հեշտ է «ջնջել»:

Հարգելի՛ ներկաներ, Այսօր մենք բոլորս խոսում ենք մարդու իրավունքների եւ ժողովրդավարության մասին, ամեն օր մեջքերում ենք մեզ առաջնորդող հիմնարար արժեքները՝ մարդասիրություն, մարդկային արժանապատվություն, ազատություն, հավասարություն, անվտանգություն, արդարություն:

Կցանկանայի, որ այս արժեքների շարքին ավելացնեինք եւս երեքը.

Առաջինը. Դուք, ձեր երեխաները եւ ձեր երեխաների երեխաները երբեք չպետք է դառնաք հանցագործ:

Երկրորդը. Դուք, ձեր երեխաները եւ ձեր երեխաների երեխաները երբեք չպետք է դառնաք զոհ:

Երրորդը. Դուք, ձեր երեխաները եւ ձեր երեխաների երեխաները երբեք, որեւէ պարագայում չպետք է պատիվ հանդիսատեսը լինեք զանգվածային սպանությունների, ցեղասպանության եւ այլ հանցագործությունների:

Տիկնայք եւ պարոնայք: Այս մտքով ես գլուխ եմ խոնարհում Հայոց ցեղասպանության անմեղ զոհերի հիշատակին:

ՆԻԿՈԼՈՋ ԱԼԵՔՍԻՉԵ. «ՃԱՎՈՔ, ՎՐԱՅԻՆԵՐԻՃ ԲՉԵՐԸ ԳԻՏԵՆ, ԹԵ ԱՅՍ ՕՐԸ ԻՆՉ ՕՐ Է, ԵՎ ԻՆՉ ՆՇԱՆԱԿՈՒԹՅՈՒՆ ՈՒՆԻ ԱՅՆ ՀԱՅ ԺՈՂՈՎՐԴԻ ՀԱՄԱՐ»

(Սկիզբը՝ 5-րդ էջում)

հաստատում ու, ասել է թե, այսքան հաջորդական, որքան վրաց ու հայ ժողովրդի ճակատագիրը: Անդրկովկասի պատմությունը վրաց ու հայ ժողովրդի պարադոքսալ հարաբերությունների պատմությունն է: Առաջին հայացքից թվում է, թե շարունակաբար մոլորվել ենք աշխարհաբաղաբական նկրտումների մեջ՝ մեկի դաշնակիցը հաճախ մյուսի թշնամին է եղել, եւ հակառակը: Երբ մեկը շարժվում էր դեպի արեւմուտք, մյուսի հայացքն ուղղվում էր դեպի հյուսիս կամ հարավ: Այսպես, ժամանակի ընթացքում ձեւավորվեց անվտանգություն, տարակուսանք, շատ դեպքերում միմյանց պատմությունը, ինքնությունը, անցյալն ու ամբողջականությունը համառորեն չճանաչելու միտում:

Բայց, եթե խորանանք պատմության մեջ, ապա կբացահայտենք բոլորովին այլ դիմամիկա՝ պատմության դժվար օրերին վրացիներն ու հայերը միշտ օգնության ձեռք են մեկնել միմյանց: Նրանք սրտացավորեն ընկալել են միմյանց ողբերգությունները, երբ գետնին են հավասարվել մեկի կամ մյուսի քաղաքներն ու գյուղերը, երբ բնաջնջվել ու տեղահանվել է մի ողջ ժողովուրդ:

Փոխադարձ կարեկցանքի փայլուն օրինակներից բացի, որը բազմիցս հանդիպում է վրաց եւ հայ գրականությունների մեջ, այս երկու ժողովուրդներն, իմ դիտարկմամբ, մեկ հիմնական ընդհանրություն ունեն, որը միավորում էր նրանք, եւ ինչն այսօր մեր քաղաքական ճգնաժամերի պայմաններում հերթական անգամ արդիական է դառնում: Դա իրավիճակը բեկելու, փրկության ու խաղաղության հասնելու նույն ռոմանտիզմն ու ձգտումն են, մերօրյա աշխարհաբաղաբական պայմաններին դիմակայելու, օտարի պարտադրածից ձերբազատվելու եւ խաղաղության հասնելու անհրաժեշտությունը:

Հայոց ցեղասպանության մասին խոսելիս՝ նրանք հաճախ են հիշում հինգերորդ դարի իրադարձությունները՝ Ավարայրի ճակատամարտը եւ հայերի առաջին մեծ նահատակությունը «հանուն հայրենիքի եւ հավատքի»: Հենց այս ժամանակաշրջանում առաջին անգամ բացահայտվեց «պայքարի ռոմանտիզմը» հայ պատմագրության դասական տեքստերում: Այդ ժամանակ էր, որ կովկասյան ժողովուրդն առաջին անգամ կանգնեց կողք կողքի՝ բեկելու աշխարհաբաղաբական իրավիճակը հանուն վճռական էքզիստենցիալ պայքարի ու իրավունքի, որպեսզի չդառնային մասնիկը պարտադրված կենսակերպի այն մեծ ու թշնամական հարեւանների, որոնց նպատակն էր այս ազգերի ինքնության ամբողջական վերացումը: Սա վճռական պայքար էր սեփական դրվածքով ու օրենքներով ապրելու համար, սեփական լեզվով խոսելու, սովորելու ու աղոթելու համար, եւ որի համար երկու ժողովուրդն էլ բազմիցս ու քանիցս պատժվելու էր՝ բնաջնջվելու, տեղահանվելու, արքայազնություն ու արմատախիլ արվելու: Եվ հատկապես շատ հայի արյուն թափվեց, ինչպես ասում են այսօր, հայրենիքի ու հավատքի համար:

Կովկասում յուրաքանչյուր գլուխ աշխարհաբաղաբական տրանսֆորմացիա հենց այդ շրջադարձային պայքարի լիցքն էր հաղորդում: Վրացիներն ու հայերը պատմական պահն արձանագրելու հնարավորություններ ունեցել են: Հազարամյակների ընթացքում պատմությունը պատուհաններ, աշխարհաբաղաբական դեպերմիցիզմը շրջանցելու հնարավորություններ է տվել: Եվ ոչ թե ֆիզիկական պայքարի, այլ գիտելիքի, համերաշխության, արժեհամակարգի եւ մշակութային ու ժողովրդավարական ինստիտուտների ամրապնդման շնորհիվ: Երբեմն այդ պատուհաններն օգտագործվել են, երբեմն՝ ոչ, երբեմն ամեն ինչ ավարտվել է ողբերգությամբ, բայց առավել հաճախ՝ հաղթանակներով, ընդհանուր հաղթանակներով:

Վստահ եմ, որ այսօր մենք՝ վրացիներս ու հայերը, կանգնած ենք հերթական բաց դռների առջեւ, որին հասել ենք մեծ կորուստներով: Այսօր էլ վրացիներն ու հայերը կանգնած են աշխարհաբաղաբական արատավոր շրջանակը մեկ անգամ կամ մեկընդմիջ ճեղքելու ջրբաժանի առաջ: Այսօր, նորից երկարատեւ դադարից հետո, վրացի եւ հայ ժողովրդի մեջ եռում է բեկելու ռոմանտիզմը, դուրս գալու աշխարհաբաղաբական դեպերմիցիզմից, կոտրելու այն կաղապարները, թե իբր ժողովրդավարությունը մեր տարածաշրջանում անհնար է, որ եվրոպական արժեքները, հանդուրժողականությունը, ազատու-

թյունն ու համերաշխությունը խորթ են վրաց եւ հայ ժողովուրդներին: Մեզ վստահեցնում են, որ մեր բնական վիճակն ավտորիտարիզմն է, անհանդուրժողականությունը, լճացումը եւ պասսիվությունը, նախախնամությանը կույր հավատարմությունը, նորի հանդեպ վախը: Նրանք մեզ համոզում են, որ մենք ազգագրական միավորներ ենք եւ ոչ թե քաղաքական սուբյեկտներ, մեզ փաթաթում են ավտորիտար ապրելակերպ եւ ավտորիտարների հորինած օրենքներ: Եվ, ամենակարեւորը, փորձում են հիշողությունը փոխարինել կեղծ հիշողությամբ. որտեղ ջարդերը «հայտնի պատմական իրադարձություններ են», որտեղ ժողովրդավարական հանրապետությունները «մենջեւիկյան հեղաշրջումներ», պետության հիմնադիրները՝ դավաճաններ, եւ այսպես անվերջ:

Ուստի, ես՝ հայագետի ընտանիքում մեծացած վրացի հայրենասերս, իմ պարտքն եմ համարում ամենուր, ուր ծայնս հասնում է, խոսել այն մասին, թե որքան ընդհանուր են վրացիների եւ հայերի պատմական, ներկա ու ապագա պայքարները, որ միասին, միմյանց հանդեպ համերաշխությամբ պետք է դուրս գանք ավտորիտարիզմի հորձանուտից եւ միանաք այն հասարակությանը, որտեղ մեզ հարգում են մեր հիշողություններով ու վերքերով, մեր մշակութային ժառանգությամբ, նպատակներով ու ինքնաընկալմամբ: Որտեղ մեզ չեն թելադրում, թե ինչ եւ ինչպես հիշել, ում եւ ինչպես սգալ, որտեղ չեն ջնջում մեր հուշերը, չեն պղծում մեր նախնյազ գերեզմանները, որտեղ մեզ ընդունում են այնպիսին, ինչպիսին կանք, որտեղ ոչ թե սպանում են «հայրենիքի եւ հավատքի» համար, այլ մեզ հետ միասին ճշում են պատվում են մեր «հայրենիքն ու հավատքը»:

Քանի որ հիշատակեցի օրենքները, ապրելակերպը եւ պայքարի ռոմանտիզմը, այսօր իմ ելույթը ցանկանում եմ ավարտել 12-րդ դարի մեծանուն հայագետ Մխիթար Գոշի խոսքերով: Մխիթար Գոշն այս բառերը գրել է իր «Դատաստանագրքի» ներածականում այն ժամանակ, երբ հայոց պետականությունը վերացվել էր նորից ու նորից ուժեղ աշխարհաբաղաբական հակամարտությունների պատճառով, որոնք, ճակատագրի հեգնանքով, մեծամասամբ Կովկասում էին բռնկվում: Գոշն այսպիսի բան է ասել.

«Մարդիկ, ովքեր կկարդան իմ այս օրենքները, կծիծաղեն նրանց վրա եւ ինձ կնմանեցնեն մի մարդու, ով երազում է թագավորության եւ շատ այլ փառավոր բաների մասին, եւ երբ արթնանում է՝ տեսնում է, որ ոչինչ չունի: Բայց թող հասկանան նրանք, որ մենք չենք մոռանում, թե որքան անցողիկ է յուրաքանչյուր երկրային թագավորություն, եւ առավել եւս՝ մեր թագավորությունը, որովհետեւ անցյալն այլեւս մեզ հետ չէ, եւ մենք չունենք ներկա, իսկ ապագայում նրան տեսնել մենք այլեւս չենք կարողանա: Եվ ահա, նվիրական երազանքներով մենք լրացնում ենք բացը եւ պահպանում ենք մեր առաջարկների նպատակահարմարությունը, ու, հետեւաբար, թող ներեն ինձ նրանք, ովքեր իսկապես կտեսնեն այս թագավորությունը, եւ թող Տերը ների նրանց, եթե նրանք չօգտվեն հարմար ժամանակից ու չազատեն ինձ իրենց զայրույթից»:

Մխիթար Գոշի այս տխուր, բայց խորապես լավատեսական խոսքերում մենք կարդում ենք զգոնության, մշտական պատրաստականության, խաղաղության վերջին հավատի եւ դրան պատրաստվելու անհրաժեշտության կոչ՝ թե՛ գաղափարական, ինստիտուցիոնալ, գեղարվեստական եւ թե՛ հոգեւոր:

Ես սկզբում ասացի, որ այս ելույթով ուզում եմ դիմել նաեւ վրացիներին: Այդ իսկ պատճառով ասում եմ, որ բոլոր վրացիների պարտքն է, ովքեր այսօր պայքարում են հանուն ժողովրդավարության եւ ազատության արժեքների, իմանալ հայ ժողովրդի պատմության այսօրվա էջի մասին: Ոչ թե պարզապես իմանան, այլ հայ ժողովրդի հետ վերապրեն այն՝ որպես ընդհանուր ողբերգություն: Որովհետեւ ակնհայտ է՝ եկել է այն պահը, երբ վրացիներն ու հայերը, ուսուսի, շրջադարձային պահ են ապրում՝ խաղաղության պայմանագիր կնքելու ակնկալիքով: Վրացիներս հայ ժողովրդից ավելի մերձավոր դաշնակից չունենք, ինչպես նաեւ հայերը վրացիներից ավելի մոտ դաշնակիցներ չունեն: Իսկ կողք կողքի հաստատական կանգնելու նախապայմանը, ինչպես «Վագրենավոր»-ն է սովորեցնում, հաճախ հենց կարճատեւ դադարն է՝ միմյանց ցավի համար նստելու ու երբեմն անկեղծ արցունքներ թափելու անհրաժեշտությամբ:

ՀԱՅԱՍՏԱՆ. Փաստեր, իրադարձություններ

«ՎՐԱՍՏԱՆԻ», ԱՐՄԵՆԴՐԵՍԻ, ՊԱՆԱՐՄԵՆԻԱՆԻ ՆՅՈՒԹԵՐՈՎ

ԾԱՂԻԿՆԵՐԻ ԽՈՆԱՐՀՈՒՄ ՀԱՅՈՋ ԺԵՂԱՍԿԱՆՈՒԹՅԱՆ ՉՈՂԵՐԻ ՀԻՇՆԱՍԿԸ ՀԱՎԵՐԺԱՅՆՈՂ ԾԻԾԵՌՆԱԿԱԲԵՐՂՈՒՄ

(Սկիզբը՝ 1-ին էջում)

Հայաստանի վարչապետը, նախագահն ու ԱԺ նախագահը ծաղկեպսակ դրեցին Ցեղասպանության զոհերի հիշատակը հավերժացնող հուշահամալիրի մոտ, ծաղիկներ խոնարհեցին անմար կրակի մոտ:

Ծիծեռնակաբերդում Մեծ եղեռնի զոհերի հիշատակին հարգանքի տուրք մատուցեց նաև Ամենայն Հայոց կաթողիկոս Գարեգին Երկրորդը:

Օսմանյան կայսրության կողմից 1915թ. հայերի նկատմամբ իրականացված Ցեղասպանությունը 20-րդ դա-

րասկզբի մեծագույն ոճրագործությունն է: Աշխարհասփյուռ հայությունն ու ողջ աշխարհը հիշատակում է Հայոց ցեղասպանության 109-րդ տարելիցը:

Օսմանյան կառավարության կողմից իրականացրած Հայոց ցեղասպանության փաստը հիմնավորվել, ճանաչվել ու հաստատվել է ականատեսների վկայություններով, օրենքներով, բանաձեւերով եւ բազմաթիվ նահանգների ու միջազգային հեղինակավոր կազմակերպությունների որոշումներով: Եվ այսօր Հայոց ցեղասպանությունը պաշտոնապես ճանաչվել ու դատապարտվել է աշխարհի շուրջ 41 երկրների, միջազգա-

յին բազում կազմակերպությունների ու միավորումների, առանձին երկրների մարզերի ու նահանգների, քաղաքների օրենսդիր մարմինների կողմից:

Հատկանշական է, որ առանձին երկրներում, մասնավորապես՝ Ֆրանսիայում Հայոց ցեղասպանության մերժումը օրենսդրորեն համարվում է քրեական հանցագործություն:

Երեւանի Հայոց ցեղասպանության թանգարան-ինստիտուտի եղեւնիների պուրակում 210 եղեւնի է, տնկվել են 41 պետությունների պաշտոնական եւ ոչ պաշտոնական ներկայացուցիչների կողմից:

ՋՈ ԲԱՅԴԵՆ. «ՀԻՇՈՒՄ ԵՆՔ ՀԱՅՈՋ ԺԵՂԱՍԿԱՆՈՒԹՅԱՆ ԺԱՄԱՆԱԿ ԿՈՐՍՎԱԾ ԿՅԱՆՔԵՐՆ ՈՒ ՎԵՐԱՀԱՍՏԱՏՈՒՄ ԵՐԲԵՔ ԶՄՈՒՆԱԼՈՒ ՄԵՐ ԽՈՍՏՈՒՄԸ»



Ամերիկայի Միացյալ Նահանգների նախագահ Ջո Բայդենը Հայոց ցեղասպանության 109-րդ տարելիցին հանդես եկավ ուղերձով՝ վերահաստատելով 20-րդ դարի սկզբին իրականացված ոճրագործությունը երբեք չմոռանալու խոստումը:

«Այսօր մենք կանգ ենք առնում հիշելու Մեծ եղեռնի՝ Հայոց ցեղասպանության 109-րդ տարելիցին հանդես եկավ ուղերձով՝ վերահաստատելով 20-րդ դարի սկզբին իրականացված ոճրագործությունը երբեք չմոռանալու խոստումը:

Մարդկության պատմության ամենամութ գլուխներից մեկն ապրելուց հետո, վերապրածները սկսեցին կառուցել ավելի լավ ապագա մեր աշխարհի համար: Քաջությամբ եւ ցվիրվածությամբ նրանք վերակառուցեցին իրենց կյանքը: Նրանք պահպանեցին իրենց մշակույթը: Նրանք ամրապնդեցին երկրների կառուցվածքն ամբողջ աշխարհում, այդ թվում՝ նաեւ մեր երկրում: Եվ նրանք պատմեցին իրենց պատմությունները՝ վստահ լինելով, որ 109 տարի առաջ այս օրը սկսված զանգվածային կոտորածներն այլեւս երբեք չեն կրկնվի:

Սա մնում է մեր հանդիսավոր ուխտը: Այսօր եւ ամեն օր Միացյալ Նահանգները շարունակելու է պաշտպանել մարդու իրավունքներն ու հանդես գալ ընդդեմ անհանդուրժողականության: Մենք ատելությանն ու սարսափին շարունակելու ենք պատասխանել հույսով եւ ապաքինմամբ: Եվ մենք շարունակելու ենք կանգնել բոլոր նրանց կողքին, ովքեր փնտրում են ապագա, որտեղ բոլորը կարող են ապրել արժանապատվությամբ, անվտանգ եւ հարգանքով»,- ասված է ԱՄՆ նախագահ Ջո Բայդենի ուղերձում:

կորսված կյանքերն ու վերահաստատելու երբեք չմոռանալու մեր խոստումը:

Դաժանության արշավը սկսվեց 1915 թվականի ապրիլի 24-ին, երբ օսմանյան իշխանությունները Կոստանդնուպոլսում ձերբակալեցին հայ մտավորականներին եւ համայնքի ղեկավարներին: Հետագա օրերի, ամիսների եւ տարիների ընթացքում 1,5 միլիոն հայեր տեղահանվեցին, կոտորվեցին կամ մահվան երթի դուրս եկան՝ ընդմիջտ կոտորված թողնելով ընտանիքներ ու հավերժ փոխելով սերունդներ:

Մինչ մենք սգում ենք այս ողբերգությունը, մենք նա-

ՌԵՋԵԹ ԹԱՅԻԺ ԷՐԴՈՂԱՆԸ ԿՐԿԻՆ ԽՈՒՍԱՓԵՃ 109-ԱՄՅԱՎԱՐԵՍՈՒԹՅԱՆ ՈՋՐԱԳՈՐԾՈՒԹՅԱՆ ԻՐԱԿԱՆ ԳՆԱՀԱՏԱԿԱՆ ՏԱԼՈՒՋ

Թուրքիայի նախագահ Ռեջեթ Թայիթ Էրդողանը Հայոց ցեղասպանության տարելիցի օրը՝ ապրիլի 24-ին հանդիպեց Պոլսո Հայոց պատրիարքին եւ հանդես եկավ երկրի հայ համայնքին ուղղված ուղերձով:

Ուղերձում Էրդողանը կրկին խոստովեց կատարված ոճրագործությանն իրական գնահատական տալուց՝ նշելով, թե իբր «Օսմանյան կայսրության քաղաքացի հայերը զոհվել են Առաջին աշխարհամարտի ընթացքում ի հայտ եկած ծանր պայմանների հետեւանքով»:

- Օսմանյան հողերում Առաջին աշխարհամարտի թողած ավերածությունները խորը հետքեր են թողել մեր հիշողության մեջ: Մեր նախնիներից ժառանգած խաղաղության եւ հանգստության մթնոլորտի շարունակությունը հնարավոր է միայն մեր համատեղ ջանքերով,- նշեց Թուրքիայի նախագահը:

Ի հեճուկս Թուրքիայում հայերի դեմ շարունակվող խտրականության եւ նրանց դեմ ազգայնական շրջանակների կողմից չդադարող ատելության խոսքի կիրառման, Էրդողանը հավաստիացրել է, թե իրենք «թույլ չեն տալու Թուրքիա-

յի ոչ մի հայ քաղաքացու իրեն օտարված կամ երկրորդ կարգի մարդ զգալ»:

Սեփական քաղաքացիների դեմ 20-րդ դարասկզբին իրականացված Ցեղասպանությունն ընդունել իրաժարվող պետության ղեկավարն իր ուղերձում նշել է, թե «զալիք սերունդներին աշխարհը չըջապատող բռնության եւ պատերազմի պարույրից պաշտպանելու ճանապարհը մեր ապագան միասին կառուցելն է՝ այն դասերի լույսի ներքո, որոնք կքաղենք մեր ընդհանուր ցավից»:



ՀԱՅԱՍՏԱՆԻ ՈՒ ԱՐԲԵՋԱՆԸ ՍԿՍԵՃԻՆ ՍԱՀՄԱՆԱԶԱՏՄԱՆ ԳՈՐԾԵՆԹԱՅԸ ՆԱԽՆԱԿԱՆ ՀԱՄԱՁԱՅՆՈՒԹՅՈՒՆ՝ ՍԱՀՄԱՆԱԳԾԻ ՉՈՐՍ ԱՌԱՆՁԻՆ ՀԱՏՎԱԾՆԵՐՈՒՄ

Հայաստանի վարչապետ Նիկոլ Փաշինյանի խոսքով, նախորդ շաբաթ Հայաստանի եւ Ադրբեջանի ներկայացուցիչները հայտարարեցին, որ պայմանավորվածություն է ձեռք բերվել երկու երկրների սահմանամերձ 8 գյուղերի սահմանազատման վերաբերյալ:

Հայաստանը համաձայնել է վերադարձնել Տավուշի հատվածում Ադրբեջանի պահանջած գյուղերը՝ դրա դիմաց չստանալով Բերքաբերի դիմաց գտնվող հայկական տարածքները, որոնք այժմ Ադրբեջանի վերահսկողության տակ են: Իսկ Ոսկեպարին հարակից միջպետական ճանապարհի հատվածն այս փուլում չի սահմանազատվի,

այսինքն՝ կմնա հայկական վերահսկողության տակ:

Երեւանն ու Բաքուն սահմանազատման համաձայնագրերը նախնական համաձայնեցրել են սահմանագծի առանձին հատվածները ԽՍՀՄ փլուզման պահի դրությամբ գոյություն ունեցող իրավաբանորեն հիմնավորված միջանդար պետական սահմանին համապատաս-

խանեցնելու նպատակով:

Կողմերը նշում են բնակավայրերի անունները՝ Հայաստանի կողմից՝ Բաղանիս, Ադրբեջանի կողմից՝ Բաղանիս Այրումի, Հայաստանի կողմից՝ Ոսկեպարի, Ադրբեջանի կողմից՝ Աշաղը Ասկիպարա-յի, Հայաստանի կողմից՝ Կիրանցի, Ադրբեջանի կողմից՝ Խեյրեմլի, Հայաստանի կողմից՝ Բերքաբերի, Ադրբեջանի կողմից՝ Կըզըլ Հաջիլի միջեւ: Բաքուն հենց այս գյուղերն էր մարտի սկզբին անհապաղ պահանջել վերադարձնել՝ հայտարարելով, որ դրանց պատկանելությունը կասկածներ չի հարուցում:

ՆԻԿՈՒ ՓԱՇԻՆՅԱՆԸ ՎԱՀԱԳՆ ԽԱՅԱՏՈՒՅԱՆԻՆ ԸՆՈՐՀԱՎՈՐԵՒ Է ՄԵՆԴԱՆ ՕՐՎԱ ՍՈՒԹՈՎ



Ապրիլի 22-ին Հայաստանի վարչապետ Նիկոլ Փաշինյանը հանդիպեց երկրի նախագահ Վահագն Խաչատրյանին եւ շնորհավորեց նրան ծննդյան 65-րդ տարեդարձի առիթով:

ԾՐԱԳՐՎՈՒՄ Է

Ն.ՓԱՇԻՆՅԱՆ-Վ.ՊՈՒՏԻՆ ՀԱՆԴԻՊՈՒՄԸ

Ռուսաստանի Դաշնության նախագահի մամուլի քարտուղար Դմիտրի Պեսկովը հայտնեց, որ Ռուսաստանի նախագահ Վլադիմիր Պուտինը եւ Հայաստանի վարչապետ Նիկոլ Փաշինյանը կարճաժամկետ հեռանկարում կկարողանան անցամբ քննարկել տարբեր հարցեր, այդ թվում՝ Տավուշի մարզի ԴԴ սահմանապահ կետերի դուրսբերման հարցը:

ՍՈՍՏԱՐԿՈՒԹՅՈՒՆՆԵՐ՝ ՈՒՂՎԱԾ ՏՆՏԵՍԱԿԱՆ ԱՃԻ ՍՈՍՏԱՐՄԱՆԸ

Ապրիլի 23-ին Հայաստանի վարչապետ Նիկոլ Փաշինյանի գլխավորությամբ անցկացվեց խորհրդակցություն, որի ընթացքում քննարկվեցին Հայաստանի 2024 թվականի առաջին եռամսյակի պետական բյուջեի կատարմանը վերաբերող հարցեր: Խորհրդակցությանը անդրադարձան գերատեսչությունների կողմից իրականացված կապիտալ ծախսերի կատարմանը, հարկային եւ մաքսային եկամուտների ցուցանիշներին, արտաքին առեւտրաշրջանառության տեսլականն եւ առաջիկա միտումներին:

Նշվեց, որ հունվար-փետրվար ամիսներին տնտեսական ակտիվության ցուցանիշը կազմել է 16,3 տոկոս: Այս համարները, մտքեր փոխանակվեցին տնտեսության զարգացման հետագա հնարավորություններին ու քայլերի շուրջ:

Նիկոլ Փաշինյանը պատասխանատվություն հանձնարարականներ տվեց ծրագրերի պլանավորման, բյուջեկատարման ու կապիտալ ծախսերի արդյունավետ կատարման վերաբերյալ:

Միաժամանակ, վարչապետն էկոնոմիկայի նախարարությանը հանձնարարեց առաջիկայում ներկայացնել տնտեսական աճի հետագա առաջնությունն ուղղված նոր առաջարկություններ:

ՀԱՅԱՍՏԱՆԻ ՍՎԵՆՆՈՒՄ ԵՆ ԿԱՐՄՈՒԿԻ ԴԵՂՔԵՐԸ

Հայաստանի առողջապահության նախարարության հիվանդությունների վերահսկման եւ կանխարգելման



ազգային կենտրոնի տարածած հաղորդագրության համաձայն, Հայաստանում կարմրուկի լաբորատոր հաստատված դեպքերի թիվը մեկ շաբաթում ավելացել է 37-ով եւ հասել է 342-ի:

«Հոսպիտալացվել է 18 քաղաքացի: 260 բուժառու արդեն դուրս է գրվել»,- ասված է հաղորդագրության մեջ:

Վարակվածներից 193-ը երեխաներ են, 149-ը՝ մեծահասակներ:

ՊԱՐԳԵՎԱԴՐԱՄ

30 ՄԻԼԻՈՆ ԼԱՐԻ ԱՃԳԱՅԻՆ ՀԱՎԱՔԱԿԱՆՆԵՐԻ ԵՎՐՈՊԱՅԻ ԱՌԱՋՆՈՒԹՅԱՆ ԵՆԹԱՆՄՔԻՅ՝ ԴՈՒՐՍ ԳԱՆՈՒ ՀԱՄԱՐ

«ՔԱՐԹՈՒ» ՀԻՄՆԱԴՐԱՄԻ ՆԱԽԱՁԵՆՈՒԹՅՈՒՆԸ



«Քարթու» հիմնադրամը հանդես եկավ հատուկ հայտարարությամբ, որտեղ, արժանի գնահատելով Վրաստանի ֆուտբոլի հավաքականի եվրոպայի առաջնության եզրափակիչ փուլին մասնակցելու ուղեգրի նվաճման գործունեությունը և ջանքերին, հանդես եկավ նախաձեռնությամբ, ըստ որի, Վրաստանի ֆուտբոլի հավաքականին եվրոպայի առաջնության ենթախմբից դուրս գալու համար կպարգևատրվի 30 մլն լարիով, իսկ ենթախմբից դուրս գալուց հետո ազգային թիմին կնվիրաբերվի հավելյալ 30 մլն լարի յուրաքանչյուր հաջորդ խաղում հաղթելու համար:

«Հաղթանակ ենք մաղթում մեր ազգային հավաքականին: Հավատում ենք, որ սա հաջողության այս զարմանահրաշ ճանապարհի միայն սկիզբն է, եւ առջեւում դեռ շատ հաղթանակներ կան»,- ասված է հայտարարության մեջ:

ԲԱԶԿԱՄԱՐՏ

ԼԵՎԱՆ ՍԱՂԻՆԱՇՎԻԼԻՆ՝ ՀԱՐԹԵՑ ԿԱՆԱԴԱՑԻ ԼԵԳԵՆԴԱՐ ԶԵՄՊԻՈՆՆԻՆ

Ժամանակակից բազկավարտի լեգենդար չեմպիոնները 2-րդ անգամ դիմակայեցին միմյանց: «Արեւելք-Արեւմուտք» հեղինակավոր միջոցառմանը, որն անցկացվում էր Ստամբուլում:

Վրացի «Հալկը» Լեւան Սաղինաշվիլին, իր կարիերայում երկրորդ անգամ հանդիպեց կանադացի չեմպիոն Դեւոն Լարատին եւ կրկին հեշտությամբ հաղթեց նրան՝ 4:0 հաշվով ու չեմպիոնական գոտին խլեց Դեւոն Լարատից:



«Արեւելք-Արեւմուտք» մրցաշարն անցավ վրացի ըմբիշների լիակատար գերակայությամբ: Լեւան Սաղինաշվիլիից բացի, չեմպիոններ դարձան Իրակլի Ջիրաֆիշվիլին եւ Դավիթ Սամուշիան:

Ի ԳԻՏՈՒԹՅՈՒՆ ՎԱՐՈՐԴՆԵՐԻ

ՓՈԽԱԴՐՈՂՆԵՐԻ ՍՏՈՒԳՈՒՄՆԵՐ ՀԱՆԱԴԱՐՀԱՄԵՐՉ ԳՈՏԻՆԵՐՈՒՄ

Ճանապարհամերձ գոտիներում կիրականացվեն փոխադրողների ճանապարհային ստուգումներ: Համապատասխան փոփոխությունները ներառված են «Ճանապարհային երթուղիների օրենքում»:

Օրենքի նախագծի համաձայն, M2, M3, N1, N2, N3, O3, O4 կատեգորիայի տրանսպորտային միջոցները ենթակա են զննման Ցամաքային տրանսպորտի գործակալության լիազորված անձանց կողմից:

Ճանապարհային հատվածներում ավտոտրանսպորտային միջոցները ստուգվելու են հետեւյալ տվյալների համար. վարորդի աշխատանքի եւ հանգստի ռեժիմին համապատասխանելը եւ տախոգրաֆի էլեկտրոնային քարտի օգտագործումը, մեքենայի տեխնիկական արդյունավետություն, մեքենայի զանգվածը եւ չափերը, բեռը մեքենային ապահովելու կանոններին համապատասխանելը, միջազգային փոխադրումների հետ

կապված համապատասխան թույլտվության փաստաթղթի օգտագործման կանոնների պահպանում, տախոգրաֆի եւ արագության սահմանափակչի տեղադրման ու տրամաչափման կանոնների պահպանում:

Ճանապարհամերձ գոտիներում տրանսպորտային միջոցների զննումը կիրականացնի Ցամաքային տրանսպորտի գործակալությունը՝ համաձայնեցնելով ՆԳՆ-ի հետ:

Նախատեսված են նաեւ տույժեր: Մասնավորապես, մոնիթորինգի արդյունքում հայտնաբերված խախտման համար սահմանվում է վարչական պատասխանատվություն՝ կախված խախտման աստիճանից՝ 500-5000 լարի չափով:

ՓԱՐԻԶԻ 33-ՐԴ ՕԼԻՄՊԻԱԿԱՆ ԽԱՂԵՐ

ՎԱՐՈՐԴԻ ՕԼԻՄՊԻԱԿԱՆ ԿՐԱԿԸ



Ապրիլի 16-ին Հունաստանում վառվեց Փարիզի 33-րդ ամառային Օլիմպիական խաղերի կրակը: Ավանդույթի համաձայն, կրակն արելի շողերից վառեցին տաճարի քրմուհիների դերը կատարող դերասանները՝ հունական Օլիմպիա ավանում, Հերայի տաճարի մոտակայքում:

Փարիզի Օլիմպիական խաղերի առաջին ջախկիրը հույն Օլիմպիական խաղերի չեմպիոն Ստեֆանոս Դուսկոսն է: Մինչեւ Ֆրանսիա հասնելը, ջախը կշռի ամբողջ Հունաստանով եւ միայն 10 օր անց, հաղթահարելով զրեթե 5 հազար կիլոմետր, կհասնի հյուրընկալող երկիր:

Փարիզի 33-րդ ամառային Օլիմպիական խաղերը կկայանան հուլիսի 26-ից օգոստոսի 11-ը:

Օլիմպիական խաղերում շուրջ 1500 մարզիկ-մարզուհիներ, 32 մարզածելի 48 անվանակարգներում կխաղարկեն 329 մեդալ, իսկ ընդհանուր մասնակիցների թիվը կգերազանցի 10.000-ը: Այս խաղերում մոր մարզածել է լինելու բրեյք դանս:

Ներկա դրությամբ, Վրաստանի մարզիկներից Օլիմպիական խաղերի մասնակցության ուղեգիրն ապահովել են հրաձիգ Նինո Սալուքվաձեն, ազատ ոճի ըմբշամարտիկներ Գենո Պետրիաշվիլին, Գիվի Մաճարաշվիլին:

վիլին, Գոդերծի Ջեքսաշվիլին, բռնցքամարտիկ Լաշա Գուրուլին, ծանրամարտիկ Լաշա Տալախաձեն, թրասուներամարտիկ Սանդրո Բազաձեն:

Հայաստանից 33-րդ ամառային Օլիմպիական խաղերին մասնակցելու իրավունք են ստացել հրաձիգ Էլմիրա Կարապետյանը, ըմբիշներ Արթուր Ալեքսանյանը, Մախաս Ամոյանը, Սլավիկ Գալստյանը, Վազգեն Թեւանյանը, Արսեն Հարությունյանը, մարմնամարզիկ Արթուր Դավթյանը:

Առանձին մարզածելներում օլիմպիական ուղեգրի համար պայքարը շարունակվում է:

Թբիլիսիի թիվ 103 հանրային դպրոցի մանկավարժները, աշակերտներն ու ծնողները վշտակցում են դպրոցի հայոց լեզվի եւ գրականության ուսուցչուհի Լուիզա Մուրադյանին, սիրելի մոր՝ Սանդուխտ Երվանդի ՆԱԼԲԱՆԴՅԱՆԻ մահվան կապակցությամբ եւ ցավակցում են հանգուցյալի հարազատներին ու մերձավորներին:



	1	2		3	4	5	6	7		8		9
10				11								
12				13			14	15				
			16		17	18						
19	20				21							
22					23				24	25	26	
27		28			29				30			
31				32					33			
			34		35	36						
37					38	39		40				
		41	42		43				44		45	
				46								
47	48		49						50	51		
52				53		54	55					
56			57	58	59							
			60						61			
		62									63	

ԽԱՍՏԱՆԻ ԶՈՐԻՇՈՒՄԱԿԱՆ

ՀՈՐԻՇՈՒՄԱԿԱՆ. 1.Մարդ, որը չունի ոչինչ, աշխատում է միայն տիրոջ համար: 4.Հայ անվանի կինոռեժիսոր, սցենարիստ, դերասան: 11.Պարսիկ մեծ բանաստեղծ Ֆիրդուսու գրական հերոս ... 2.ալ: 12.Հայ ժողովրդական երգչուհի: 14.Վայրի կենդանի: 16.Նոյի որդիներից: 18.Գետ Եվրոպայում: 19.Մարերի երկիրը: 22.Հարցական դերանուն: 23.Մաշտոցյան այբուբենի գինվոր: 24.Դեմ, հակառակ: 27.Գինու կաշվե աման: 29.Հունորի վարպետ ... Խաչիկ: 30.Հայոց տոնացույցի ամսանուն: 31.Օդի շարժումը: 32.Ցուցական դերանուն: 33.Կոմիտասի երգերից «... երգ»: 34.Ուսման գործը Գորկու հերոս: 38.«... ցանկացա» (ժողովրդական երգ): 41.Քաղաք Փոքր Ասիայում: 44.Աստվածաշնչյան առաջին գոհը: 46.Հայ փոփ երգիչ: 47.Օժանդակ բայ: 49.Ստեղծագործական ժանր: 50.Մթերք: 52.... Սկալա, ... Մանչ: 53.Առաջին դեմքի օժանդակ բայ: 54.Պետություն Եվրոպայում: 56.Շինման յուրերի խանութների համակարգ: 58.Վրաց բանաստեղծ, արձակագիր, դրամատուրգ ... Ծերեթելի: 60.Առաջվա, վաղեմի: 61.ԽՍՀՄ կինոյի դերասանուհի ... Լուչկո: 62.Ֆրանսիայի հայազգի հերոս, հակաֆաշիստ: 63.Եմենի մայրաքաղաքը: ՈՐԴԱՆԱՅՈՒՆ. 1.Պարզ: 2.Անանկ: 3.Եղծին: 4.Ասպար: 5.Հոբի: 6.Ուղի: 9.Անեն: 12.Արքունիք: 14.Իսպառ: 18.Պուլի: 20.Աղիդաս: 21.Մեջ: 22.Լին: 23.Ձայրանալ: 24.Բեշիկթաշ: 25.Որում: 30.Գիճվոտ: 31.Կասյան: 34.Լոգան: 35.Մարաշ: 38.Յուլի: 41.Ապի:

նական այբուբենի 23-րդ տառը: 5.... ու առաջ: 6.Ծաղկազարդ, ծաղկունքով զարդարված: 7.Միջին Արեւելքի երկիր: 8.Բանաստեղծության ոտը, չափ: 9.Սրբադասված հայ բանաստեղծ: 10.Շենքի գլխավոր մուտքը: 13.Պատժատեսակ, տեղահանություն: 15.Պետության հաղթաթուղթը: 17.Բուստ, թանկագին քար: 20.Դերերգ օպերայում: 21.Սարհոսի երկերից «... օրերից մեկը»: 25.Երաժշտագետ, «Արցախ» երաժշտության հեղինակ ... Գեւորգյան: 26.Վրաց նախկին ֆուտբոլիստ, այժմ Թբիլիսիի քաղաքապետը: 28.Մարդու ոսկորների ամբողջությունը: 35.Լուսանկարչական ժապավենով ապարատ: 36.Մոլախոտ ցորենի դաշտում: 37.Հայ հնագետ, պատմաբան, հասարակական գործիչ: 39.Քունքի երակը: 40.Ապուլապա, նախորդ սերունդներ: 42.Բուլնիս-Խաչենում ծնված հայ գրող, հեքիաթագիր, մանկավարժ: 43.Ձիերի խումբը: 45.Քաղաք Հունաստանում: 48.Իսպանացի թենիսիստ: 51.Գետ Հարավային Ամերիկայում: 54.Քաղաք Գերմանիայում, որը գերմաներեն նշանակում է բերդ, պարիսպ: 55.Գյուլներեցի հունորի վարպետ Սամվել Առաքելյանի բեմական անունը: 57.Նեղի հակամիջը: 59.Բիլիարդի ծողը:

Կազմեց ԱՆՆԱ ՍԱՐԻԲԵԿՅԱՆԸ

ՆԱԽՈՐԴ ՀԱՄԱՐԻ ԽԱՉԲԱՈՒ ՊԱՏԱՍԽԱՆՆԵՐԸ

ՀՈՐԻՇՈՒՄԱԿԱՆ. 7.Վատնող: 8.Սաքո: 10.Գիպո: 11.Բալ: 13.Լինչի: 15.Անկիրթ: 16.Սոսկ: 17.Մարե: 19.Մամուլ: 23.Ձաքուղոն: 26.Դեմի: 27.Հառել: 28.Սիջին: 29.Շիճուկ: 32.Որդի: 33.Իմանալ: 36.Կոն: 37.Սոյա: 39.Անոթ: 40.Վայր: 42.Ձուր: 43.Անոպա: 44.Գալա: 45.Լոշ: 46.Տիկ: 47.Նիշ:

ՈՐԴԱՆԱՅՈՒՆ. 1.Պարզ: 2.Անանկ: 3.Եղծին: 4.Ասպար: 5.Հոբի: 6.Ուղի: 9.Անեն: 12.Արքունիք: 14.Իսպառ: 18.Պուլի: 20.Աղիդաս: 21.Մեջ: 22.Լին: 23.Ձայրանալ: 24.Բեշիկթաշ: 25.Որում: 30.Գիճվոտ: 31.Կասյան: 34.Լոգան: 35.Մարաշ: 38.Յուլի: 41.Ապի:

Գլխավոր խմբագիր՝ ՎԱՆ ԲԱՅԲՈՒՐԹՅԱՆ

Գլխ. խմբագրի տեղակալ՝ ՅՈՒՐԻ ՊՈՂՈՍՅԱՆ

Համարի պատասխանատու՝ ԳԱՅԱՆԵ ԲՈՍՏԱՆՉՅԱՆ

Համակարգչային ծեւավորումը՝ ՏԻԳՐԱՆ ՍԻՐԱԴԵՂՅԱՆ

ՔՅՅԵՈ ՅՈՆԱԶԻԹՈՒ: ՄԺՈԼՈՅՈՒ 0105, ՃԱՄՐԵՅՈՒՆ ԺՅԻՃ 5, ՄԵՐ ԽԱՍՏԵՆ ԹԲԻԼԻՍԻ 0105 Գ.ԱՅՐՈՆԵԼԻ Վ. 5 ԹՅՈՒ. ՀԵՌ. 2990-739, 2990-774
www.vrastan.ge E-mail: vrastan.press@gmail.com
Գրանցման վկայական № 4 Կ - 1439
«ԿՈՆՈՐ» հրատարակչություն

«ՅՐԱՍՏԱՆ»
ՄԺՈԼՈՅՈՒ, ՆԱԶԻԹՅՈՒՆ
"ВРАСТАН"
Тбилиси, Грузия
<VRASTAN>
Georgia, Tbilisi
Индекс 66445